

Katalog Koleksi Tun Dr. Mahathir

BK tlm - 18/3/2005:

LANGKAWI 18 Mac — Galeria Perdana, yang mempamerkan koleksi bekas Perdana Menteri Tun Dr. Mahathir Mohamad, akan menerbitkan katalog mengenai bahan-bahan pamerannya.

Pengurusnya, Mahani Muhammad hari ini berkata katalog itu sebagai usaha mendokumentasikan bahan-bahan koleksi Mahathir untuk tatapan orang ramai.

“Kita akan menerbitkan katalog itu tahun ini,” katanya di sini.

Beliau berkata lebih 2,000 barangan koleksi Dr Mahathir dipamerkan di galeria yang terletak di Kilim itu pada satu-satu masa.

Katanya, tahun lepas 281,000 mengunjung galeria itu dan sasaran pelawat pada tahun ini ialah 300,000 orang.

Mahani berkata sempena sambutan Bulan Kemerdekaan tahun ini, galeria itu akan mengadakan pameran khas koleksi hadiah Dr. Mahathir. — Bernama